

Batzarreko asistentzia-galdetegiaren emaitza

Azaroan egin genuen Bazkideen Urteko Batzarreko asistentzia baxua ikusi eta Ikastolan sortutako kezka dela eta, abenduan galdetegi bat bidali zen etxeetara. Ikastolako gaiak jorrazteko espazio eta une desberdinak daude, eta Batzarra gai horiek partekatzeko eta erabakiak hartzeko gune garrantzitsua da. Beraz, [hemen](#) ikus ditzakezu egindako azterketaren emaitzak.



Ikastolak herriari ekimena: Euskara batuari gorazarre

Azken urte hauetan, ikastolen aldeko bost jaien artean, **IKASTOLAK HERRIARI** lelopean, ekimen bateratuak antolatzen ari gara. Ekimen horien bitartez, gure proiektuak, ikastolen proiektuak duen dimentsio nazionala azpimarratzeaz gain, ikastola guztion artean osatzen dugun sarea indartu nahi dugu.

Aurten **BATASUNAREN BIDEAN** ekimena antolatzera goaz, eta zuen partehartzea ezinbestekoa da!

Orereta ikastolak sustatua, ekimenak gainerako lurraldeetako babesa jaso du eta horregatik Euskal Herri mailako ekimen modura planteatzen da. **IKASTOLAK HERRIARI** ekimenaren baitan dagoen filosofia eta planteamendua Euskal Herriko herritar zein eragileekin bat egitea baita. Bost jaien bitartez beraz, **Euskal Herri osoa ekimen honetan parte hartzera deitzen dugu.**



TRANSMISIORAKO EKIMENA

Ekimen hau Euskal Herriko herritar guztiei zuzenduta egon arren, **gazteengan, ikasleengan arreta berezia jarri nahi dugu.**

Euskara Batuak gure herrian izan duen garrantzia goraiatu bakarrik ez, bere testuinguru eta bilakaera historikoa gure ikastetxeetan dauden ikasleei transmititu nahi diegu.

Kontakizun hori egiteko, Euskaltzaindia dugu ekimen honetan bidelagun. Elkarlan horren bidez, Euskaltzaindiak eta Ikastolen Elkarteak, euskara batuaren sorreraren inguruko kontakizuna egingo dute, eta horretan parte hartu zuten 15 pertsoneri eskerrak emango dizkie, egindako ekarpenagatik.

EKIMENAREN DESKRIBAPENA ([Ikus diptikoa](#)):

- 2023ko martxoaren 24an Errenteria eta Donostia lotuko dituen giza katea egingo dugu, goizeko 11:00k eta 11:30 bitartean.
- Giza katea osatzeko 6.000 pertsona behar ditugu. Tarte horiek ikaslez, irakaslez eta herritarrez osatzeko ardura hartu dugu.
- Euskalgintzako eragileak eta herritarrak espreski parte hartzera gonbidatuko dira.

Euskara batuari egingo diogun gorazarre honetan, beraz, zuen partehartzea beharrezkoa da!

[Informazio gehiago...](#)

Tanta zozketa-txartelaren banaketa

2023 urtean Orereta Ikastolari dagokio Kilometroak jaiaren antolaketa. Egiten diren ekintzetako bat **Tanta zozketa** da.

Familia bakoitzeko ikasle zaharrenari, **Tanta txartel** bat banatuko zaio. Txartela erosten duenak 60.000 €-ko zozketan parte hartuko du. Txartel bakoitzak 5 € balio du.



Norbaitek txartel gehiago nahiko balitu, mesedez, **gaur da azken eguna** usurbil@ikastola.eus helbidera mezua idazteko. Kobrantza errezibo bidez egingo da martxoaren 16an.

Udako aisialdi eskaintza

Aurten ere Zirimolak, Ikastolen Elkarteko aisialdi taldeak, prestatu du [udako aisialdi-eskaintza](#). Bertan, berrikuntza ugari ikusiko dituzue, tartean egitasmo bat gehitu dela eskaintzari. Modu horretan Euskal Herriko ertz guztietako haurrek uda Zirimolarekin batera gozatzeko aukera izan dezaten. [Informazio gehiago...](#)



Eskola Kirola: LH 5-6 multikirola aztergai

Denbora bat bada hainbat tokitatik kezka bat jaso izan duguna Usurbilen dugun multikirol ibilbidearen inguruan. Landu berri dugun Plan Estrategikoan ere, gai hori landu beharra jasota geratu zen beste neurri batzuekin batera. Horregatik, hausnarketa ireki nahi dugu ereduaren birformulazioa bideratzeko.

Komunitate guztiaren parte-hartzea garrantzitsua izango da: hezitzaileak, kirol elkartek, gurasoak zein ikasleak. Horretarako hainbat hitzordu eta parte hartzeko modu aurreikusi ditugu eta horretara animatzen zaituztegu.

Martxoak 15 -- Proposamen konkretuen lanketa lan-saioa

OHARRAK: Saioa, **Potxoenean** izango da arratsaldeko **18:30ean**.

Bestalde, LH 5-6ko ikasleen ikuspuntua galdetegi baten bitartez jasotzea aurreikusten da.



Usurbilgo Udala

"Nafar hegoaldeko uzta eskutik eskura" kanpaina

ERRIGORA ekimenak, auzolanean, Nafarroa hegoaldeko nekazaritza indartu asmo du, horretarako, eremu horretakoak propio diren produktuak Euskal Herriko plazan jarritz. Aldi berean, "zona no vascofona" izendatutako euskalgintzari ekarpen txoa egin nahian bultzada ekonomikoa ematea ere badu helburu. Honela, produktu ezberdinak daude salmentan.



Informazio gehiago: errigora.eus

Aukeran izango diren produktuak: oliba-olio birjina estra, kontserbak, arroza, pasta eta lekaleak.

Epea: martxoak 9-29.

Eskaerak: online errigora.eus bidez edo NOAUA! Kultur Elkartearen egoitzan.

Banaketa: maiatzaren 12an eta 13an Udarregi ikastolan.

Ordainketa: online eginez gero bi zatitan edo dena batera ordaintzeko aukera. Bestela, eskudirutan, produktuak jasotzerakoan.

HAUR HEZKUNTZA

Haur Eskolako haurren hutsegiteak

0 eta 3 urte bitarteko haurrak haur eskolara etortzen ez direnean, mesedez, ikastolako idazkaritzan jakinarazi, ahal bada, 9:30 aurretik usurbil@ikastola.eus helbidera idatziz.



Baso-eskolako jantzien kobrantza

Martxoko erreziboarekin batera, **HH 3ko, 4ko eta 5eko familiei, baso-eskolako jantziengatik 5€** kobratuko zaizkizuela jakinarazten dizuegu.



LEHEN HEZKUNTZA

Proiektu solidarioa NEPALDALAren alde!!

LH6ko ikasleak gara eta NEPALDALA Gobernu Kanpoko Erakundeari laguntzeko proiektuan murgilduta gaude. Beraiek, ahalegin handiak egiten dituzte Nepalgo neskek hezkuntza jasotzeko aukera izan dezaten eta guk lagundu egin nahi diegu. Horretarako, martxoaren 13tik 17ra honako ekintza hauek antolatu ditugu:



***Martxoaren 13tik 16ra**

+NEPALDALA erakundearen aldeko denda jarriko dugu eta bertan honakoak eskura ditzakezue:

- Nepalgo elkarte batek eskuz egindako produktuak: poltsak, karterak, egutegiak...
- Otar eder baten zozketan parte hartzeko zozketa-txartelak. 2€
- Korrika solidarioan parte hartzeko dortsalak: dorsal bakoitzak 5 € balioko ditu eta **000 dortsala** (korrika egin nahi edo ezin, baina parte hartu nahi duenarentzat) borondatezko prezioan egongo da.

Ordutegia: 16:20-16:40

Lekua: Ikastolako (Ageri Alde) frontoian.

***Martxoaren 17an:**

+KORRIKA SOLIDARIOA

- Haurrek 0 urte-LH 3 arte (gurasoen laguntzaz nahi izanez gero) 18:00etan emango diote hasiera. Gazteak (LH 4tik gora) eta helduak, 18:30ean.
- NEPALDALA erakundearen aldeko denda ere, herriko frontoian egongo da eta produktuak, zozketa-txartelak eta dortsalak erosi ahal izango dira. Baita pintxo goxoak jan ere!

ANIMATU eta PARTE HARTU!!!

Baso-eskolako jantzien kobrantza

Martxoko erreziboarekin batera, **LH 1., 2. eta 3. Mailako ikasleen familiei, baso eskolako jantziengatik 5 €** kobratuko zaizkizuela jakinarazten dizuegu.



Hatz 10 kobrantza

Hilabete honetako erreziboarekin batera, **Hatz 10 mekanografia** ikastaroaren zenbatekoa kobratuko zaie **LH4, 5 eta 6. mailako ikasleei. Kostua 10,40 €** izango da.



Zorriak LH2

LH 2ko ikasle batzuegan zorriak sumatu ditugu.

Norberak bere seme/alabarekin egoera horretan ohikoak diren higie-neurriak hartzea eskatu nahi dizuegu.

NEURRI HORIEK ERAGINKORRAGOAK IZAN DAITEZEN SAIATU **DENOK** ASTEBURU HONETAN EGITEN TRATAMENDUA



DBH

Irteeren kobrantza

GAUR DBH 2. mailako ikasleek **Bidarray-Erratzura** egingo dugun ikasturte amaierako irteeraren 1. zatia kontu korrante bidez kobratuko dela jakinarazten dugu. Kostua **30 €** izango da.

